

## Devoziun por la 1<sup>a</sup> Domënia de Carsëma tles ciases (proposta)

Tla vita da vigni de, che nes ocupëia deplëgn, ó le tēmp de Carsëma ester por nos „n tēmp de desert“: olach'i porvun da se limité a ci che é essenzial, da ciagé indô la dêrta mosöra, da descurí la profundité y ciagé la ligrëza.

**Periun!** Dî onipotënt, te nes scinches chësta santa Carsëma sciöche tēmp de converjiun y de penitënza: lāscesse, te chësc tēmp sant, jì plü sot tla conescënza de Gejù Crist y desmostré cun na vita de fede la forza de süa redenziun. T'as la potesté sura i cörs dla jënt. Porchël gnunse plëgns de fidënza da te, renforza düc chi che se dá da fá por la iustizia y scinchi a nosc tēmp túa pesc. Por nosc Signur Gejù Crist tla forza dl Spirit Sant. – **Amen**.

**Vangele** (do Merch 1,12-15)  
i le ciagéis chiló dlungia sön la pröma plata.

**Meditaziun:** Denanche mëte man süa incundaziun vá Gejù tl desert. Olá me dejdrëi pa iö te mia vita da jí ite tl öt y tla lerch dl desert? Le desert é ince le post de Gejù, le post dl'incuntada de Mosé cun Chël Bel Dî che ti á dit fora dla trognora che vardô: „Iö sun chiló.“ (Esod 3,14) La fûga dal Egit y le iade por le desert á condüt le popul de Israel a sintí la presënza, l'amur y l'aiüt de Chël Bel Dî.

**Aprisc de lalt:**  
Cun i credënc dl Testemënt Vedl periunse: Dötes mies fontanes sbroca fora de te. (Salm 87,7) – **Bel Dî, i te laldun!**  
Al á metü mi pisc al sigü sön crëpa frëma y á renforzé mi vari. (Salm 40,3) – **Bel Dî, i confidun en te!**

Benedí é le chestian che se lascia sön Chël Bel Dî. Al é sciöche n lëgn senté dlungia l'ega y che desleria fora les raisc cuntra rü. (Ieremia 17,7) – **Bel Dî, i te dijun dilan!**

Deache insciö dij Idî, le Signur: Ciarede, i sun instës, ch'i ti vá do a mies bisces y ch'i m'un toli sura de d'ëres. (Ezechiel 34,11) – **Bel Dî, i te gnun do!**

**Supliches:** Signur, Gejù Crist, che t'os nes condüje pormez ales fontanes dla vita - I periun por la gran comunité de düc i cristians sön so iade adincuntra a te.

**R:** Crist, ascútesse – **Crist, ejaudëscesse.**  
- Por düc chi che se dejdrëia do túa pesc, túa sapiënza y túa forza. **R:**  
- Por düc i amará y isolá, por chi che mëss tó dezijiuns, por chi che mëss se sacrifiché por i atri y por chi che ne sá nia plü co jí inant. **R:**  
- Por nos düc ch'i orun dé ota y renové nosta speranza en te. **R:**  
**Nosc Pere sö al cil....**

**Benedisciun:**  
Idí nes scinches forza y paziënza da la tigní fora ti deserc de nosta vita. Al nes lasces fá l'esperienza che te tēmps de süta y de sëi podunse rové plü dlungia te y ciagé vita nöia. Insciö nes benedësces Idî, le Pere, le Fi y le Spirit Sant. - **Amen**.



## Plata dles Ploanies San Martin y Lungiarü



siur ploan Klaus Sottsas 344 15 54 055 - klsottsas@rolmail.net  
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

[www.valbadiaonline.it/comunita](http://www.valbadiaonline.it/comunita)

**21.02. - 28.02.21 nr. 13**

## 1<sup>a</sup> DOMËNIA DE CARSEMA - B

### Vangele do Merch 1,12-15

Te chël tēmp à le S pirít condüt Gejù tl desert.  
Dailò é Gejù resté caranta dis alalungia y é gnü tenté dal malan.  
Al viô pro i tiers salvári, y i agnui le sorvî.  
Do ch'an â sciuré Jan te porjun,  
é Gejù indô jü tla Galilea;  
al incundâ le vagnele de Dî  
y dijô:  
Le tēmp é compli,  
le rëgn de Dî é daimprò.  
Convertisse,  
y cherededi al vagnele!



Le tēmp é gnü, n tēmp nü, n tēmp che fej la ota.  
Le Fi de Dî che é gnü söla tera, fej chësc monn nü.  
Chësta é la buna noela che dess jí fora te döt le monn.  
Mo Chël Bel Dî n'ó nia deslarié fora süa regnanza cun la forza.  
De so rëgn fej pert chël che dá ota, chël che müda süa vita  
y crëi, che le monn n'é nia tles mans de regnanc de chësc monn,  
mo tles mans de Dî.  
Chël che alda le vangele mëss se mudé instës, devënté instës nü  
y ne pó nia resté coch'al ê cina sëgn.  
Le vangele n'é nia na bela storia por devertí i leturs,  
mo na parora potënta che nes chërda da tó na dezijiun.  
Te chësta Carsëma, Pere, dëideme  
cun dōta mia orenté da m'oje danü pormez a te  
y da m'un desdí da döt ci che m'oj demez da te.

| EDEMA                                                                                 | SAN MARTIN                                                                                                                                                                                                                                                                                 | LUNGIARÜ                                                                                               | <p>COMUN SAN MARTIN DE TOR</p> <p>Al vëgn lascé al savëi ch'al vëgn indô formé na gradatöra por l'assegnaziun de terac da fabriché alisiré. Les domandes de amisciun é da dé jö te secretariat de Comun cina ai 08.03.2021. Informaziuns plü avisa é da ciafé te secretariat de Comun pro la secreteria. I formulars por la domanda ciafëise sön la plata internet de Comun o te secretariat de Comun.</p> <p>SAN MARTIN</p> <p>Dilan dla oferta por la dlijia en recordanza dla defunta Maria Clara Verginer da pert dl Cor de dlijia da Lungiarü.</p> <p>LUNGIARÜ</p> <p>Al vëgn indô perié do le contribut por le mone che pó gní paié en domënia, ai 30 de forá y la domënia dô, ai 07 de merz, te calonia do la gran mëssa. Le contribut pó sambëgn ince gní paié söl cunt dla ploania da Lungiarü pro la Cassa Raiffeisen IT 63K 08010 58830 000304004931</p> <p>Le mone nes fej n gran sorvisc y é dagnora dan man da vigni funziun de dilijia y inciaria.</p> |
|---------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>21.02.2021</b><br><b>1ª DOMËNIA</b><br><b>DE CARSËMA - B</b><br><i>San Germano</i> | <b>9.00 Corona/Staziuns</b><br><b>9.30 Gran Mëssa por la Comunité</b><br>dl ann + Maria Tavella Vanzi<br>dl ann + Hannele Pedevilla Trebo<br>frater Martin Ploner (dla Uniun)<br>++ Dolfo y Fonjo Unterweger<br><br><b>19.00 Les ciampanes sona adöm y invieia ala oraziun tles ciases</b> | <b>7.55 Les Staziuns</b><br><b>8.15 Gran Mëssa por la Comunité</b><br>+ siur Fonjo Clara               |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| 22.02.21<br><b>Lönesc</b> <i>Catedra de San Pire, Margarita da Cortona</i>            |                                                                                                                                                                                                                                                                                            |                                                                                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| 23.02.21<br><b>Dedolönesc</b><br><i>Policarp, Otto, Romana</i>                        | <b>19.00 Mëssa</b><br>+ Mariangel Tavella, Cëch<br>++ Sepl, Sabina y Milio Flöss                                                                                                                                                                                                           |                                                                                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| 24.02.21<br><b>Dedemesaledema</b><br><i>San Matia apostul, Ida</i>                    | <b>18.00 Les Staziuns</b>                                                                                                                                                                                                                                                                  | <b>7.30 Mëssa</b><br>+ Florino Mischi<br>de rengraziamënt                                              |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| 25.02.21<br><b>Jöbia</b><br><i>Walburga, Adeltrude</i>                                | <b>7.30 Mëssa</b><br>+ Sepl d'Arzó<br>a d'intenziun de fam. Comploj, Mantëna<br><b>Corona por vocaziuns</b>                                                                                                                                                                                |                                                                                                        |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| 26.02.21<br><b>Vëndres</b> <i>Durich, Matilda</i>                                     | <b>18.30 Adoraziun chîta</b><br><b>19.00 Adoraziun deboriada</b>                                                                                                                                                                                                                           | <b>7.30 Mëssa</b><br>+ Vinzenz Clara, Postin<br>+ Pire Mischi, Pecëi                                   |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| 27.02.21<br><b>Sabeda</b><br><i>Iulian, Gabriel</i>                                   | <b>17.30 Mëssa prefestia</b><br>por fam. Albert y Oliva Costabiei de reng.<br>dl ann + Rita Costabiei<br>dl ann + Lena Costabiei<br>+ Egon Valentin<br>+ Milio y Tile Castlunger<br>+ don Amando de rengraziamënt                                                                          | <b>19.00 Mëssa prefestia</b><br>por familia de Thomas Dapoz<br>+ Angel Ferdigg<br>++ Paul y Zita Dapoz |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| <b>28.02.2021</b><br><b>2ª DOMËNIA</b><br><b>DE CARSËMA - B</b>                       | <b>9.00 Corona/Staziuns</b><br><b>9.30 Gran Mëssa por la Comunité</b><br>por fam. Massimo Gadda de rengraziam.<br>por fam. Clement, Pice Ju, de rengraziam.<br>a d'intenziun                                                                                                               | <b>7.55 Les Staziuns</b><br><b>8.15 Gran Mëssa por la Comunité</b>                                     |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |